

Serie A N.º 0358818

Acta, que se inscribiu no Libro dende a volta do folio 028 do Papel Timbrado da Comunidade Autónoma de Galicia Serie A Nº 0358816 ata o folio 030, Serie A Nº 0358818, de todo o que, como Secretario, DOU FE.-

O ALCALDE**O SECRETARIO**

XAIME REI BARREIRO

JOSE RIESGO BOLUDA

SESION EXTRAORDINARIA CELEBRADA POLO PLENO DO CONCELLO
O DIA 10 / FEBREIRO / 1.995

S U M A R I O

- 1.- DICTAME DA COM. INF. DE URB. E OO. PROPOÑENDO A APROBACION DO PROXECTO DEF. (DE EXECUCION) PARA CONST. DUN APARC. SUB. A UBICAR NA PASEO DA XUNQ., E ACORDOS COMPLEMENTARIOS.
- 2.- DICTAME DA COMISION INFORMATIVA DE SANIDADE PROPOÑENDO A APROBACION DOS PREGOS DE CONDICIIONS ECONOMICO-ADMINISTRATIVAS E TECNICAS DO CONCURSO PARA A ADXUDICACION MEDIANTE ARRENDAMENTO DO SERVICIO PUBLICO DE RECOLLIDA DOMICILIARIA DE BASURAS.
- 3.- PROPOSICION DA ALCALDIA ESTABLECENDO A ENTRADA EN VIGOR DA NORMATIVA REGULADORA DAS EXENCIONS DE PAGO NAS TARIFAS DE AUGA, LIXO E SUMIDOIRO.

Na Sala de Sesións do Concello de Redondela, ás vinte horas do día dez de Febreiro de mil novecentos noventa e cinco, baixo a Presidencia do Ilmo. Sr. Alcalde, D. XAIME REI BARREIRO, e a asistencia dos Concelleiros Sres. D. FERMIN ALFAYA PAZ, D. MANUEL ALONSO LEMOS, D. VICTORIANO ALONSO MIGUEZ, D. ALFONSO AMOEDO GOMEZ, D. DOMINGO BARREIRO MARTINEZ, D^a. M^a CARMEN BASTOS RODRIGUEZ, D. JOSE BLANCO PUGA, D. MANUEL CABIRTA GARRIDO, D^a. CARMEN ROSA FIGUEIRA RODRIGUEZ, D. JOSE GARCIA MIGUEZ, D. EMILIO GONZALEZ IGLESIAS, D. MANUEL IGLESIAS CARRERA, D. MANUEL JAVIER NUÑEZ SALGADO, D. FRANCISCO PUCH CASAL, D. FERNANDO REBANAL FERNANDEZ, D. LUIS RODRIGUEZ VILARCHAN, D. GABRIEL G. SANCHEZ IBARRA, D. SIMON SANCHEZ PEREZ e, D. JAIME TORNERO LOPEZ, actuando como Secretario que certifica, D. JOSE RIESGO BOLUDA, se constitúe o Pleno do Ilmo. Concello en sesión extraordinaria correspondente ó día da data, conforme á convocatoria e de acordo coa Orde do Día remesa da a tódolos Sres. Concelleiros coa antelación legalmente requirida. Excusou a súa ausencia o Sr. RIVERO GONZALEZ. Está tamén presente o Sr. Interventor de Fondos D. MODESTO SOLLA SANZ.

A Presidencia declara aberta a sesión en primeira convocatoria, procedéndose a trata-los asuntos da Orde do Día:

**1.- DICTAME DA COM. INF. DE URB. E OO. PROPO-
ÑENDO A APROBACION DO PROXECTO DEF. (DE EXECUCION) PARA
CONST. DUN APARC. SUB. A UBICAR NO PASEO DA XUNQ., E
ACORDOS COMPLEMENTARIOS.-**

ANTECEDENTES.-

Polo Concello Pleno, na súa sesión do día 28 de Novembro de 1.994, acordouse aduxica-lo concurso convocado para a construción e explotación, en réxime de concesion administrativa, dun aparcamento de vehículos automóviles a ubicar no subsolo do Paseo da Xunquei-

Serie A N.º 0358819

ra, a ESTACIONAMENTOS REDONDELA, S.A., requeriéndose ó adxudicatario par que presentara o proxecto definitivo (de execución), introducindo as determinacións sinaladas polos Servicios Técnicos Municipais no seu informe de data 17 de Novembro de 1.994.

Con data 6 de Febreiro, a Comisión Informativa de Urbanismo e Obras, dictamina favorablemente o Proxecto presentado.

DEBATE.-

- SR. ALONSO LEMOS: Vou a votar en contra. Xa coñecen as miñas razóns.

- SR. SANCHEZ IBARRA: Este Proxecto non modifica, nin introduce nada novo en esencia nun asunto sobre o que nos temos manifestado repetidas veces, nembargantes Vdes. poderían ter máis tacto sobre decisións deste tipo. Se observa que o estudo de impacto medio-ambiental o redacta o mesmo Arquitecto que realiza o Proxecto facendo xuízos de valor sobre a Xunqueira como espazo verde, manifestándose que é un espazo inútil.

- SR. REBANAL FERNANDEZ: Xa se coñece a postura do PP neste tema. Sigo considerando que a Xunqueira actualmente é un espazo inútil, e que nun futuro será útil.

- SR. GONZALEZ IGLESIAS: Votamos a favor. Nossas razóns para elo son as mesmas que as do B.N.G., pero en sentido contrario.

VOTACION E ACORDO.-

Con 17 votos a favor dos Sres.: Alonso Míguez, Amoedo Gómez, Barreiro Martínez, Blanco Puga, Cabirta Garrido, Figueira Rodríguez, García Míguez, González Iglesias, Iglesias Carrera, Núñez Salgado, Puch Casal, Tornero López, Alfaya Paz, Bastos Rodríguez, Rebanal Fernández, Rodríguez Vilarchán e da Presidencia, e 3 votos en contra dos Sres. Alonso Lemos, Sánchez Ibarra e Sánchez Perez, o Concello Pleno, adoptou, os acordos seguintes:

PRIMEIRO.- Aprobar, coas especificacións indicadas polos Servicios Técnicos Municipais: (as

instalacións electromecánicas e servicios complementarios xustificáranse debidamente con proxecto suscrito por técnico competente e visado polo Colexio Profesional. A Ponte sobre o río terá beirarrúas a ambos lados semellantes ás existentes) o Proxecto definitivo (de execución) para construción dun aparcamento subterráneo a ubicar no Paseo da Xunqueira, redactado polo Arquitecto D. José A. Comesaña García e visado polo Colexio Oficial de Arquitectos de Galicia, Subdelegación de Vigo, con data 29 de Decembro de 1.994.

SEGUNDO.- Instar ós Técnicos Municipais co obxecto de que no prazo máis breve posible e non superior ós dez días do de aprobación do proxecto efectuen o replanteo da obra comprobando a súa realidade xeométrica e a posesión e dispoñibilidade dos terreos precisos para a normal execución da mesma.

TERCEIRO.- Proceder a efectuar-la comprobación do replanteo dentro dos 5 días seguintes ó replanteo, formalizándose ó efecto a correspondente acta, contándose, a partir desa data o prazo de execución das obras que en ningún caso sobrepasarán o indicado polo adxudicatario na súa oferta (cinco meses).

CUARTO.- Requerir ó adxudicatario co obxecto de que antes do inicio das obras presente un plan de execución que amplie o indicado na proposición, debendo presentar, así mesmo, póliza de seguros que cubra a responsabilidade civil polos danos e perxuízos que poidan orixinarse durante o período de execución da obra.

QUINTO.- Autorizar ó adxudicatario, unha vez formalizados os anteriores trámites, ó inicio das obras, sen que para elo sexa preciso obter licenza municipal nin pago de tributo algún, ó ser estas promovidas polo Concello. As obras realizaranse con suxección estricta ó proxecto aprobado, correspondendo á dirección facultativa dos mesmos ós técnicos competentes que ó respecto contrate o concesionario, cos requisitos indicados na cláusula 35 do Prego de Condicións.

SEXTO.- Proceder á apertura dun prazo de dous meses co obxecto de que os "residentes do entorno" presenten no Rexistro Xeral do Concello, no que se abrirá un Libro Rexistro de Peticións, solicitudes de prazas de aparcamento na modalidade de cesión permanente.

SÉTIMO.- Entender como concepto de "residentes do entorno", establecendo a prelación que se indica, a efectos de poder obter preferentemente á adxudicación de prazas en réxime de cesión permanente, seguinte:

Serie A N.º 0358820

1º).- Aquelas persoas veciñas de Redondela con domicilio no casco antigo e ruas que o rodean: Xeral Rubín, Ribeira, Alfonso XII, Praza de Ribadavia, Xoan Manuel Pereira, Atrio e resto delimitación casco antigo segundo plano R-1 a escala 1: 1.000 das Normas Subsidiarias Municipais vixentes.

2º).- Aquelas persoas domiciliadas no resto do Solo Urbano de Redondela-Vila, tendo preferencia os veciños que carezan de praza de garaxe.

3º).- As persoas físicas ou xurídicas con establecemento aberto no ámbito do Solo Urbano de Redondela-Vila, e os empregados/as destas que desempeñen o seu posto de traballo en tales establecementos.

OITAVO.- Declarar con dereito preferente, no caso de que as solicitudes sobrepasen o número de prazas dispoñibles en réxime de cesión permanente, ós "Residentes do entorno" co concepto e prelación que se indica no apartado sétimo.

NOVENO.- Sinalar como documentación xustificable do anteriormente indicado, certificación municipal de empadramento no caso de que os solicitantes sexan veciños do entorno urbano indicado. No caso de que a solicitude sexa instada por persoas xurídicas ou físicas ou empregados/as destas, fotocopia da declaración de alta no Imposto de Actividades Económicas no que conste a existencia de establecemento aberto no ámbito sinalado.

DÉCIMO.- Transcurrido o prazo indicado no apartado sexto, se expedirá certificación comprensiva das solicitudes presentadas, que se remitirá ó concesionario ó obxecto de que os posteriores trámites sexan resoltos e acordados por este. No caso de que existan máis solicitudes que prazas dispoñibles, o concesionario dará preferencia a aquelas que tiveran entrada antes no Rexistro. No suposto de que o número de solicitudes non alcance o de prazas adicadas ó réxime de cesión permanente, se abrirá un novo prazo por igual periodo, ó que poderán acudir peticionarios domiciliados en calquer lugar do Término Municipal, así como os residentes no entorno que estivesen interesados na adquisición dunha segunda praza, tendo preferencia os primeiros respecto dos segundos. Si aínda así non se solicitasen a totalidade das prazas, estas se adicarán a uso rotatorio sen perxuízo de que en calquer momento poidan ser obxecto de cesión.

UNDÉCIMO.- Advertir ó concesionario que ven obrigado a constituir unha comunidade de usuarios cando teña cedido o uso do 10% das prazas de aparcamento.-

2.- DICTAME DA COMISION INFORMATIVA DE SANIDADE PROPOÑENDO A APROBACION DOS PREGOS DE CONDICIONS ECONOMICO-ADMINISTRATIVAS E TECNICAS DO CONCURSO PARA A ADXUDICACION MEDIANTE ARRENDAMENTO DO SERVICIO PUBLICO DE RECOLLIDA DOMICILIARIA DE BASURAS.-

O Concelleiro Sr. Rebanal Fernández, dada a transcendencia do acordo adoptado, solicita da Presidencia que o expediente quede SOBRE A MESA, coa finalidade de que se discuta previamente, e dentro da seguinte semana, polos voceiros dos distintos Grupos.

A petición é aprobada por unanimidade.-

3.- PROPOSICION DA ALCALDIA ESTABLECENDO A ENTRADA EN VIGOR DA NORMATIVA REGULADORA DAS EXENCIONS DE PAGO NAS TARIFAS DE AUGA, LIXO E SUMIDOIRO.-

ANTECEDENTES.-

Con data 9 de Xaneiro a Alcaldía efectúa a seguinte proposta:

"O Concello Pleno na súa sesión de data trinta de Xaneiro adoptou acordo de modifica-las Ordenanzas reguladoras do prezo público por abastecemento de auga e das taxas polos servizos públicos de recollida de lixo e sumidoiro. Nas modificacións facíase constar que no ano 1995 os solicitantes de exención prestarían por toda documentación declaración xurada na que fixeran constar que manterían a mesma situación económica que en 1994.

Non téndose modificado o prazo de presentación de solicitudes de exención e figurando na normativa actual que este concluírá o 30 de Decembro do ano anterior ó que deba producir efectos a exención, procede que por este ano se modifique o ata agora disposto con efectos exclusivos para o exercicio de 1995, polo que para elo se propón ó Pleno a adopción do seguinte acordo:

Serie A N.º 0358821

Modifica-lo apartado 2º do anexo das ORDENANZAS DE LIXO, AUGA E SUMIDOIRO de acordo coa presente redacción:

"Con efectos exclusivos para 1995 as solicitudes de exención poderán presentarse ata a data de 30 de Abril de 1995, producindo efectos tal solicitude no mesmo exercicio."

VOTACION E ACORDO.-

O Concello Pleno, en votación ordinaria e por unanimidade dos Sres. asistentes, adoptou, os acordos seguintes:

PRIMEIRO.- Aproba-la Proposta presentada, modificando provisionalmente as Ordenanzas Fiscais reguladoras da taxa polo Servicio Público de Sumidoiro e Recollida de Lixo, así como a normativa reguladora do Prezo Público de Abastecemento de Auga, no sentido que se determina no anexo a este acordo.

SEGUNDO.- Expoñer no Taboleiro de Anuncios, por un período de trinta días o presente acordo, ó obxecto de que durante o mesmo, os interesados examinen o expediente e presenten as reclamacións oportunas.

TERCEIRO.- Publica-lo anuncio de exposición no B.O.P., e nun dos diarios de maior circulación da Provincia.

CUARTO.- Entender definitivamente aprobado o presente acordo, no caso de que non se presenten reclamacións.

QUINTO.- Publicar, unha vez finalizado o prazo de exposición, e no caso de que non se presenten reclamacións, a modificación no Boletín Oficial da Provincia a efectos da súa entrada en vigor.

A N E X O

NORMATIVA REGULADORA DO PREZO PUBLICO DO SERVICIO DE ABASTECIMIENTO DE AUGA.- Se engade o seguinte párrafo, no apartado 2º, do Anexo:

"Con efectos exclusivos para 1995 as solicitudes de exención poderán presentarse ata a data de 30 de Abril de 1995, producindo efectos tal solicitude no mesmo exercicio."

ORDENANZA FISCAL DA TAXA REGULADORA DO SERVICIO DE RECOLLIDA DO LIXO.- Se engade o seguinte párrafo, no apartado 2º, do Anexo:

"Con efectos exclusivos para 1995 as solicitudes de exención poderán presentarse ata a data de 30 de Abril de 1995, producindo efectos tal solicitude no mesmo exercicio".

ORDENANZA FISCAL DA TAXA REGULADORA DO SERVICIO PUBLICO DE SUMIDOIRO.- Se engade o seguinte párrafo, no apartado 2º, do Anexo:


"Con efectos exclusivos para 1995 as solicitudes de exención poderán presentarse ata a data de 30 de Abril de 1995, producindo efectos tal solicitude no mesmo exercicio."

E, non habendo máis asuntos que tratar, pola Presidencia levantouse a sesión, sendo as vinte horas e trece minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio 030 do Papel Timbrado da Comunidade Autónoma de Galicia Serie A Nº 0358818 ata a volta do folio 033, Serie A Nº 0358821, de todo o que, como Secretario, DOU FE.-

O ALCALDE

O SECRETARIO

XAIME REI BARREIRO


JOSE RIESGO BOLUDA